



去來吟目錄詩餘

如夢令

懷友

歎梅

臨江仙

紅花鋪步躡間韻

長相思

旅邸步韻

懷友



眼兒嬌

咏梅

東湖賞荷

浣溪沙

咏梅

虞美人

本意

惜秋光

本意

滿江紅

和方遇安扇頭九日登高韻

醉春風

馬廠看桃花

花犯

石塘看牡丹

鎖窗寒

芭蕉

解佩令

舟中新月

南樓令

午日泛舟

鵲橋仙

七夕

點絳脣

尋菊

好事近

九日登高

摸魚兒

閨中聞砧

簇水

苦雨

無悶

喜晴

去來吟

山陽李時震恂菴甫著

男師熹幼和輯
壻師邕起北輯
崔嶠雲莊較

拜別 家嚴入都赴補

冬溫夏清足歡娛無奈除書日夕驅捧檄敢同毛
義喜絕裾非蹈太真愚最憐遊子心常戚深幸高
堂體尚腴准擬經年違定省乞歸長向鯉庭趨

馬上口占

清晨匹馬踏霜天楊柳風吹古道邊欵段尚存千

里志乘時莫後祖生鞭
殘星幾點布遙天策馬長驅赴日邊此去春風應
得意路平沙軟儘加鞭

上元宿李家莊觀燈

山村多麗景客路且畱連待對探鉤局誰彈奏節
絃星橋翻錦浪火樹散蒼煙酌酒永今夕挑燈不
用眠

磬陽旅邸和壁間韻

疊嶂層巒繞碧溪數家茅屋石橋西白雲迴望南
天際那有閒情聽鳥啼
紆迴石磴渡清溪野火微茫隔樹西夕照將沉村
舍近棲鳥不用向人啼

馬上望岱

亭亭一柱屹然撐俯視神州九點橫海氣遠涵雲
不斷天光高接雨初晴峰懸上界塵鞅絕樹聳層
巖磴道平幾欲梯崖登未果勞勞行役媿浮生

早行

早起崇岡曲輕寒帶晚風巒光將綻紫日色漸蒸

紅鶴鶴棲枝上蛟螭隱澗中前村多古蹟一一問
山翁

景州晨發值大風雨遂止宿漫河

晨發景州城曠野飛霧集叢來萬樹巔旋轉馬首
迫乍聞神魂馳迷眼追無及氣拂晴光收勢振林
木立掀騰似奔潮鼓盪疑起蟄僕夫心淒其舉步
苦擔笈豈知天地機陰陽一呼吸行行赴扶搖無
為滯巖邑

行經富庄驛遇雪

春來北地寒雲結重陰靄隳風烈烈滿空但見玉
龍飛使余心膽悉澄徹此時王孫陳壺觴鬱金酒
熟葡萄香紅粧窈窕綺筵側嬌歌妙舞發清商征
途有客歷山徑踏碎瓊瑤馬蹄迸一室高臥羨袁
安策蹇尋梅庶相稱何為鹿鹿走風塵骨月疎遠
僮僕親沾衣撲面不少歇尺寸功名反累人

初補官入直即事

何幸含香奉職來紫薇郎署接三台慚非典瞻高
華手敢恃清新俊逸才閣務分司懷筆應 王言

代布匠心裁鳳池相望多仙侶退食還容笑語陪
禁中春雪

北極高深近紫微寒雲化作六花飛宮鶯弄舌
敲猶澀御柳抽條色漸肥散去版圖均雨露凝來宮
闕悉珠璣玉堂盡日憑闌看興到頻將彩筆揮

瀛臺新柳

仙臺景物勝瀛洲暇日頻看玉輦留綵袖成羣
翻妙舞銀箏分隊試清謳周遮鳳閣雲常護曲折
龍池水自流更愛鵝黃初著柳枝枝搖曳弄輕柔

御苑聞砧

上苑宵深秋氣清忽聞漏點雜砧聲疾徐兩臂分
高下斷續雙提別重輕萬戶都應驚遠夢千山那
不動鄉情徘徊獨向空堦立悵望闌干北斗橫

寓直守歲

簪筆螭頭守一官歲除獨酌酒杯寬久依朋舊情
堪慰遙隔尊親夢未安萬壽歌傳將搢笏三台氣
朗合彈冠試看玉佩趨蹌處樂奏鈞天候八鸞

元日早朝 恩賜羣臣宴擬應 制體恭謝

旭日將升紫霧環靜鞭轂動肅朝班歡騰百辟排
仙仗瑞起正元覲 聖顏應律簫韶宮樂進垂
恩珍錯 御筵頒九重天上春如海飽德仍教既
醉還

入直書懷

十載驅馳得一官上林深幸附翔鸞含香敢把常
叅比染翰應同供奉看紫閣雲開晴色動黃扉日
麗曙光寒微臣何以酬高厚夙夜無忘咏素餐

瀛臺侍從有作

蓬瀛臺殿五雲邊宸幄高懸別一天奉職每隨丞
相後承恩長在 聖人前晴花爛熳光飛動古樹
菁蔥影接連退食自公須緩步薰風拂拂戀虞弦

直省即事

薇省清高接鳳池掖垣閒坐自沉思祥雲靄靄人
穀寂瑞露灑灑月影遲紫禁飽餐紅豆粒丹霄長
宿碧梧枝垂衣 聖主方勤政想見深宮問夜時

穀日贈張姑思考廉

禮隆祈穀報弘禧恰值垂裳聽政時載筆自能書

大有勤民還擬獻函詩

都城元夕

萬戶千門樂賜醑星橋火樹簇 皇都金甌永固
呈三瑞玉燭長調現六符虎旅緝巡休引避龍驤
彈壓不傳呼普天總戴 君王福仰止平成 帝
德敷

鑾坡步月

中天如鏡月初升拾級鑾坡緩步登白子池邊秋
氣爽萬年枝上露華澄飄飄寶篆橫金界冉冉明

河轉玉繩自喜

恩深叨載筆扶搖方信有風乘

早朝呈所知

上林雖得一枝棲未許騰驤碧玉蹄懷筆紫薇晨
草敕校書天祿夜然藜崇階竊喜 恩光近末學
深慚品望低慢憶曲江同譜牒朝班咫尺隔雲泥
直廬見新月

玉宇無塵斗柄橫一勾新月樹頭生禁垣坐久衣
香滿鑾掖行來露氣清殿閣九天微漏影簫韶五
夜尚傳聲頻經直省渾無寐幾度揮毫待句成

直省月夜懷 家嚴里第

一官匏繫客長安忠孝雙全自古難咫尺 君門
雲五色迢遙親舍路千盤微才勉赴轂華選夙志
甘承菽水歡獨宿直廬當月夜臨風南望願加餐
京邸雨後寄示熹邕兩兒

平生志趣樂樵漁夢醒懷鄉值雨餘寄語兒曹勤
夙夜莫從朋輩恩居諸消閒惟有三杯酒習靜無
如一卷書已起思歸張翰興秋風江上憶鱸魚

報國寺古松

拏雲攫霧勢如龍古寺招尋看古松老榦參天
轂謾謾孤標拔地影重重冰霜領略存高節歲月銷
磨顯異踪愛爾蟠根依輦轂屹然不受大夫封

同官載酒集豐臺觀芍藥分賦

五色迷離滿藥欄幸逢休沐得來看和風蕩漾圍
金帶麗日融和敞玉盤雅樂細張歌管脆瓊筵低
設酒杯寬醉歸別館青燈下燃斷吟髭興未闌

九日同馬蒼穀丘曙戒鄒桐崖吳曉岳昆盧

閣登高

帝城何處好秋光
高閣同登此泛觴
碧砌競誇黃菊豔
緗囊齊佩紫萸香
風前獨雁來遙塞
檻外群山鎖夕陽
令節年年供醉賞
輸他落帽孟嘉狂

內苑觀荷

太液池中放寶蓮
恍疑神女立當前
情如欲語嬌無限
態似佯羞豔可憐
月映金盤含露淺
風翻翠蓋瀉珠圓
遙聞調笑轂相近
莫是宮人泛畫船

省中對雨

紫薇花下雨絲絲
又值傳宣草勅時
將展筆牀文

氣潤乍開硯匣墨
痕滋湧泉未必工
書判排錦安能善
摘辭好把五經同
異考清華不負聖
明知

宮詹沈繹堂先生招集邸第賞雙頭白牡丹

屬賦

綽約雕闌碧砌邊
分明兩美並香肩
何當妙舞簾前見
只少輕謳座上傳
儲相退朝臨主席
舍人休沐預賓筵
多君索賦清平調
錯認風流李謫仙

午日瀛臺觀打毬射柳

天中佳節恣游行
入望仙臺百戲呈
弓燥彎來雙

臂勁毬圓蹴起一身輕
玲瓏骨相俱名手
活潑心機總後生
贏得九重頻賜賚
時時供奉樂昇平

長安春望

鳳池染翰媿菲才
春早皇都騁目來
仙樂競從天上奏
好花齊向日邊栽
九衢六陌高低見
萬戶千門遠近開
翹首巍峩雙闕迥
五雲深處氣佳哉

送人出塞

驪歌纔唱便吞聲
送別將爲塞外行
鳳闕心懸斜

日動龍沙目極暮
雲平迢迢莫繫懷
鄉夢欸欸應牽去
國情不久漢皇思
賈誼期君計日整
歸旌

晚出左掖

隨班晚出掖垣西
御幄香濃兩袖攜
彩筆輕籠紅瑪瑙
花磚遍踏碧琉璃
軍城遠柝聲初動
苑樹寒鴉影未齊
濫典石渠淹歲月
清齋慣悞太常妻
待漏假寐夢歸故里
有懷

長樂鐘聲尚未傳
暫時假寐直廬邊
心牽薊北三年客
夢到江南二月天
堂上承歡頻慰藉
堦前繞

去來吟
九
膝正留連醒來獨自趨朝去仰望龍樓旭日懸
京師八景

金臺夕照

浮雲滿目指荒臺每憶燕昭買駿來往事已隨流
水逝空名猶傍夕陽開康莊不少驂騑沃野偏
多苜蓿栽一統今爲畿輔地網羅四海總雄才

蘆溝曉月

百尺飛梁跨急流迴環如抱拱神州衝開曙色車
聲度踏破霜痕馬跡留輻輳並肩防轍亂馳驅交

臂把鞭收遙聽喔喔晨雞唱猶有高懸月半勾

居庸疊翠

重關扼險勢雄哉積翠盤空入望來北枕龍沙壑
壁壘南臨鳳闕壯樓臺喧喧笙鼓連雲動獵獵旌
旗映日開指點群峰俱染黛鬱葱佳氣繞蓬萊

太液晴波

滄池如鏡弄秋晴潏灩無風徹底清翡翠銜魚時
逗影鴛鴦戲水不聞轂煙凝碧柳穢腰鞞雨潤紅
藻雜佩輕幸沐恩波咏靈沼游觀徐步勝登瀛

瓊島春雲

五色晴雲捧禁闈
風前舒卷有光輝
迎祥縹緲來仙嶠
吐瑞氤氳向帝畿
金闕每從龍奮迅
玉堂常共鳳騰飛
油然四合藏膏雨
聚散隨時得化機

玉泉垂虹

奔流直下玉泉東
宛似青天挂彩虹
影落瓊崖初過雨
聲傳貝闕恰當風
神膏湧出層霄上
仙液傾來曲澗中
仰望真令心目爽
置身如在水晶宮

薊門煙樹

野步登高望薊門
煙光樹色渺無痕
黃沙不捲和風細
紫霧停飛麗日溫
遠近井幹連萬竈
參差花柳擁千村
由來設險稱雄鎮
保障巖疆藉虎賁

西山霽雪

插天高擁玉屏風
一片寒光蕩碧空
絕壑有花皆燦爛
深巖無樹不玲瓏
經旬凍合人稀到
計日消融路便通
多少鳳皇池上客
低徊搖筆賦難工

擬明人閣課四首

東郊雨霈

韶華應律轉青陽甘雨朝飛輦路傍潤澤千花將
吐豔沾濡百草已含芳天心樂育民情悅歲德調
和 帝念康信是如膏能被物豐年預慶滿倉箱

南苑風清

習習薰風拂露槐 御園南望錦屏開初聞鳥語
低頭聽未見花光屈指猜晨橐彩毫趨桂省夕承
紫誥直蘭臺不因日午逢休暇爭得迴翔向此來

金掌露凝

仙掌排空秋氣澄新涼透體露華凝宵深已任踈

燈爇興發還將曲檻凭湛湛滴時風作馭灑灑零
處月爲朋金莖得解相如渴飛上瑤臺十二層

玉河水泮

開到東風第一枝又看凍解玉河時尋芳仙侶應
嫌早拾翠佳人已惜遲水底未教花影照堤邊先
使草痕滋此中 聖澤涵濡久同派分流本鳳池

圍獵紀事六首

埋機設弮佈圍場逐走追飛出異常畋獵隨時原
講武桓桓愛殺羽林郎

天子親彎七寶弓人爭超距馬騰空當頭一箭無
虛發白澤黃熊盡貫胸

南山白額勢梟張一遇神獒便伏藏四面環攻無
片刻肉飛血灑尾郎當

眼疾蒼鷹臂上擎穿林縱壑不曾停草根狡兔枝
頭雀彼此潛藏敢露形

草短沙平雉兔肥射生走馬疾於飛須臾野物如
山積擁道歡欣扈 駕歸

景仰中天治化同獸蹄鳥跡一時空笑他羽獵長

卿賦只解鋪張馳騁雄

長安春游雜咏十首

二月風光滿上林日長無事好招尋千條萬葉垂
垂柳十里平鋪遍綠陰

望裏雙雙燕子飛無邊桃李鬪芳菲長安道上人
如蟻總向旗亭覓醉歸

安定門前景物新一般春色最撩人相逢借問江
南客可有鶯花入夢頻

秘閣經旬罷檢書玉河橋畔去觀魚此身已到真

仙境合把新詞唱步虛

繁華無過暢春園碧瓦紅樓紫石垣流出畫橋橋
下水香波日夕浴雙鴛

罷直同官各趁閒相攜策蹇看西山層巖曲徑皆
懸瀑不數湘娥十二鬟

如膏細雨浥輕塵步出東郊霽色新萬朶桃花千
葉柳十分妝點太平春

稱體時妝色色新搖鞭紫陌去游春看他蹀躞金
堤上意氣揚揚不見人

花簇晴雲柳簇烟鶯梭燕剪各紛然長安自古繁
華地莫道春風不值錢

薊北江南一樣春低徊景物倍思親懸知扶杖看
花處少箇承歡戲綵人

館課擬前人作二十四首

日煖萬年枝

金烏開麗景鐵榦沐榮施得地靈根固逢時暖氣
滋扶疎依鳳闕條達近龍池信是坤培厚非關離
照私將膺舟楫任特備棟梁資長作義輪輔喬松

挺茂枝

八風從律轉

一陽初布化萬物盡承流
橐籥羣機動爐錘率土
周聲和靡草木氣肅振林丘
主宰寧無托趨蹌不
自由飛揚塵滾滾偃息浪悠悠
應候吹寒谷全憑
燮理優

明月出海上

冰輪初吐白海水盡涵青
萬象歸冲漠千山入杳
冥素娥垂半袖玉兔現全形
似鏡光微射如盤露

未凝須臾升碧漢指顧照彤庭
若把銀橋駕應將
法曲聽

白雲起封中

從龍應有意捧日距無心
吐處因元谷飛來到碧
岑流光分五色弄影隔千尋
縹緲隨高下氤氳任
淺深凌空時獻瑞秉化便爲霖
瞻望中心切虛疑
紫氣臨

春風扇微和

黍谷春歸早祥風扇物多
三陽開普化一氣布溫

和露濕垂垂柳烟籠短短莎畫梁新燕語芳樹曉
鶯歌雅調翻吳曲輕衫試越羅及時待行樂劍珮
苦相磨

夏日景清徹

莫嫌春已去剛喜夏初臨麥隴纔收浪秧疇又吐
針墻頭榴灼灼陌上柳森森雨過聞黃犢風來引
翠禽披襟行竹徑岸幘坐桐陰靜按高山曲悠然
得素心

秋山極天淨

碧漢高無際蒼巖淨可描清光雖淡宕爽氣未蕭
條草短堪搜兔風輕好射鷗穿林來野衲隔澗話
閒樵丹穴藏麟鳳紅塵遠市朝歸歟如可賦不待
北山招

冬月逼人寒

月至冬逾潔流光比雪清只宜醇酒泛不用素琴
橫風動寒枝影霜侵凍雀聲花疑銀海見粟訝玉
樓生兔魄何常減蟾輝依舊盈庶幾松與栢耐冷
表堅貞

元和布德澤

春光何處早惟有上林中報柳金絲綻驚梅雪片
融韶光開紫陌淑氣轉青宮曙帶輕烟暮晴將細
霧蒙迎祥從北極布暖自東風律應黃鍾始元和
本帝躬

曙色滿皇州

長安佳麗地瑞氣冠都城閭闔方將啟閭闔尚未
明露桃花半吐風柳影斜橫冰泮知春暖雲開報
曉晴龍旗高弄色鳳管遠傳聲試看瓊枝上羣棲

出谷鶯

春從何處來

縱目郊原外何由萬象新東皇潛布德青帝溥施
仁大地和風遍平疇化雨巡一陽初送暖羣動盡
含春谷鳥騰丹羽淵魚躍紫鱗明堂期我后庶事
廣咨詢

郊壇聽雅樂

肅穆升中禮雍容奏樂聲帝心方陟降神聽自和
平玉帛隆三獻簫韶備九成鳳儀昭聖武象舞啟

文明感格由精意靈通出至誠燔柴如古制何用
更埋牲

晨光動翠華

九天陳鹵簿萬象吐光華瑞霧千圍繞祥雲五色
遮旌旗迎曙景宮殿映朝霞雉尾輝無盡龍鱗耀
可誇晴催堦下草暖逼禁中花餘采沾袍袖時時
荷寵嘉

海水不揚波

効靈由海嶽享德實皇躬浪息梯航集波平道路

通衆星俱拱北四瀆悉趨東統御要荒盡朝宗遠
邇同照臨惟旭日蕩漾總休風水陸歸熙運恬然
服土中

秋菊有佳色

東籬閒躡屐緩步訪霜英葉葉臨風舞枝枝帶笑
迎清高添酒興淡雅助詩情似把金盤捧還將玉
露傾羣芳難選色衆美各呼名歲歲秋光好招尋
細品評

龍池春草生

龍池微雨過細草悉蒙茸繞砌遙青滿沿堤嫩綠
穠如針穿石罅似線綴苔封屐齒黏來滑鞋弓印
處鬆弄晴烟一片破曉影千重長憶臨川句當時
比興工

芙蓉初出水

獨立秋江曲真令雜卉空傲霜惟菊並映水或蓮
同色淡斜陽外香清曉霧中亂翻紅蓼雨靜對白
蘋風題咏憑高手描摹倩化工愛他生動意枝葉
亦瓏瓏

空水相澄鮮

秋水遠連空澄鮮景不窮浴鳧時上下宿鷺自西
東直訝銀河接休誇碧海通低昂蘋葉綠掩映蓼
花紅晝夜雙丸照陰晴二氣蒙扶搖如可駕極目
待長風

新月透桐陰

喜見如勾月娟娟照素心好風來院落涼露滴衣
襟寥亮閒吹笛悠揚靜撫琴蟾光猶未滿兔影又
將沉不辨風前調誰聆指上音低徊棲鳳處悵望

碧梧陰

蓬萊雲五色

宮殿祥雲護蓬萊一例看回翔常五色停聚必千
盤隱約飛丹鳳依稀舞彩鸞成帷如蜀錦染袖比
齊紈本爲仁風佈還因瑞氣團九重高處望紅日
已三竿

濟川用舟楫

致治方隆古相期濟巨川望洋心一切利涉用宜
專栝栢爲舟穩樓桑作楫堅江深輕溯越漢廣易

回旋夢賚資良弼旁求得大賢斯言傳不朽取喻
武丁年

干羽舞兩階

帝世崇文治懷柔以德敷朱干陳玉陛翠羽列金
鋪按節麟居數諧聲鳳集梧邇安方遠至外服自
中孚雅樂傳三輔深仁被九區有虞堪效法垂拱
握乾符

飛鴻響遠音

霜際鴻聲度摩天入杳冥踏殘千點白飛破一痕

青就粟來南土嚼蘆過北庭雲重疑網影月曲畏
弓形曉起風前望宵深枕上聽幾多哀怨意戢羽
向沙汀

潛魚縱大壑

龍門思跳躍鮫室苦浮沉暫託居淵志寧忘奮鬣
心爪牙雖隱隱頭角已森森所慮西江涸將依北
海深風雲如可駕雷雨定相尋萬里憑飛縱潛藏
直至今

西山道中

西山晴色動休沐得躋攀路出翠微上人行丹嶂
間園林俱曲折洞壑總迴環一步一回望悠然慢
擬還

春盡登山

忽忽春將盡尋山趁杖藜瘦憐紅半褪肥愛綠初
齊曲澗幽泉瀉深巖獨鳥啼村莊欣在望莫是武
陵溪

送友還江南

相送上離筵臨歧意惘然人將千里別月又幾回

圓奉職無才展趨庭有夢懸到家如見憶尺素及時傳

禁苑聞曉鶯

禁苑春歸後鶯啼第一聲飄來梅粉淡綰住柳烟
輕挾彈輪年少攜柑讓老成金魚池上聽睨睨實
移情

玉階曉步入直

玉階魚貫入曙色未全分宮闕凝眸辨簫韶側耳
聞御香籠曉日仙仗護晴雲誰信千金骨徒然混

馬羣

游西山玉泉池

一望清心目山池湧玉泉曾無鷗泛泛只有葉田
田待把新茶試先將活火煎閒花俱可愛照耀色
澄鮮

玉河見新燕

玉河橋畔立又見燕雙飛所喜新梁穩休嫌舊壘
非芹泥污紫額杏雨濕烏衣每憶江南岸長來傍
竹扉

鏡花

對鏡一枝橫參差畫不成臨風仍婉麗帶露更輕
盈倍覺花光艷如聞香氣清欲吟還閣筆虛幻費
心情

水月

波底玉盤傾秋光上下清滌洄呈皓采演漾弄空
明鮫女擎珠賽湘靈鼓瑟迎祗應狂太白醉捉去
騎鯨

夏日泛湖晚泊鶴洲有作

長夏陰濃草色齊野塘風靜日初低孤舟一繫鴛
湖曲兩載頻經鶴渚隄渡過小橋蓮半吐尋來深
徑竹偏迷懸知此地乘涼好酒愛蘭陵滿甕攜

崔幄雲莊善病念之

玉潤深憐愛幄才何堪多病困蒿萊飛觴莫遣懸
籌待覓句休教擊鉢催縱使跡疎無夢到也應念
切有書來相期上國觀光早盍使冰清笑眼開

秋夜省直聽霓裳法曲

宵深雅樂九天聞竹肉和諧律呂分三疊按來

招舞鶴一聲飛去過行雲
薇垣月皎何須待粉署
香清不用薰盡道前身是
長吉揮毫應侍玉宸君

天壽山望明季諸陵

馬蹄小步踏層冰
俯仰輿圖感廢興
扼勝地靈雖足恃
錫名天壽竟何憑
千年王氣從南盡
萬丈龍光自北騰
不是先皇頻駐輦
并無衰草蔽荒陵

中秋招同人集小寓閭紫琳同年辭以恙未

赴有詩見寄率和

金風拂袖坐當筵
碧宇無塵顥氣鮮
桂露香飄秋

正半蘭膏影射月初圓
啣杯定向南樓望
得句何

常北牖眠捧讀瑤華聲
調足不須廣樂聽
鈞天

重陽前一日杜湘草招集寓齋分得同字

多君雅誼薄蒼穹
客邸相招興不窮
覓醉先期尋野菊
拈題後會指飛鴻
華軒目對晴嵐紫
綺席簾開夕照紅
明日登高酬令節
不知落帽幾人同

秋懷 用謝惠連韻

逸豫不足恃
切切存遠患
况值涼秋至
有懷苦常晏
朗朗孤月明
歷歷衆星爛
零露吟寒蟲
金風吹

北雁砧韻徹清宵燈光映長幔旅館不欲眠惆悵
過夜半人情頗難期世事奚能算矢念惟獨知涉
世焉敢慢無奈居諸逝勉力事薄宦觸景不勝感
適性隨所玩對酒常把觥得句一揮翰歲序自有
常節候無容亂萬殊非二理百年同一旦豈爭草
木榮當爲文辭煥惜陰吾素志勿致增浩歎聊奏
清商曲藉以告親串

送張虞山高漢思歸里

片時旅舍暫追陪無限離情托酒盃目斷遙天頻

悵望帆開極浦肯遲回晴郊選樹啼春鳥古驛籠
烟放早梅念我年年頻送客家園何日賦歸來

送丘曙戒赴瓊州別駕任即用季貞起句

紅亭酒罷唱驪歌兩地相思奈若何葉落疎林秋
色老霜飛永夜旅愁多驚心送別南隨雁引領徵
還北渡河此去長沙同賈傳平生壯志莫消磨

長至書感

陽生令節客途逢南望吳雲悵莫從定省庭闈思
倍切奔馳輦轂興全慵律回待把飛灰試衣綻應

將弱線縫瞻仰大朝修故事普天頌朔 聖恩濃
除夕

歲除留客邸惆悵意何如去國身雖遠趨庭願尚
虛鄉遙千里外燭短四更餘玉漏聲頻促誰能解
慰余

元夕

淑氣融融籠早梅霓裳宴罷醉扶回今宵盡道春
光暖窗外驚看幾朶開

燈夕招蔣荆名阮鶴緱集飲京邸私寓

笙歌徹夜放春燈逸興遄飛一倍增接席爭誇人
比玉分曹共勸酒如澠字宗北海應難並詩法東
川敢自矜莫道雲霄終戢羽摩天早晚看騫騰

親老請 假

烏鳥情牽夢不寧敢將悃悃叩 彤庭龍鍾父已
頭全白強壯臣還髻半青有日致身酬 聖德無
門竭力挽頽齡 九重仰望 天王允治法開宗
首孝經

恩允終養誌喜

詔俞歸養奉晨昏地厚天高戴主恩步月欵扶
鳩竹杖看花深勸木癭尊歡欣自覺安懷抱疾痛
無勞繫夢魂長願萬年調玉燭藹然喜氣滿乾坤
買舟南還

朝辭廊廟夕山林聖世恩沾孝治深襍被三年
留薊北帆檣一水到淮陰還家已慰思親願去國
難忘戀主心莫道歸來冰俸少蓬茅久已荷

綸音

出都至張家灣登舟途中值雨

兩載長安道琴書獨往還微官雖鬱鬱素志本閒
閒帶雨離燕市瞻雲望楚山扁舟今夜夢喜慰少
開顏

晚移長店

日晡纔移棹旋停古岸東山光凝霧紫木葉染霜
紅將父心偏急逃名志不同來朝何處宿只慮石
尤風

過天津關

晨興鼓柁到津頭襍被蕭然一葉浮不是司農勤

會計何緣使者重
征求穿雲有意隨
歸雁戲水無心看
浴鷗南去關梁經
第一片帆速下肯
遲留

九日舟抵青縣晚眺偶賦

一片荒城籠暮烟
千家茅屋夕陽邊
居人不識寒暄易
過客偏驚節序遷
獨自題糕吟月下
誰同落帽醉風前
歸田待學陶彭澤
種菊東籬樂晚年

泊頭風順至安陵停棹

舟行將十日始掛一帆風
輦轂交游隔鄉關
夢寐迥飛雲籠遠樹
湧浪拍征鴻
鼓柁歡無極
殘陽尚

吐紅

將抵德州忽值風雨

燕雲行且盡
入望是齊東
又遇滂沱雨
難爲船舶風
人家依古市
草色冷芳叢
痛飲支高枕
歸心藉夢通

德州舟中觀大兵過渡

廟算南征定
乘秋命虎牙
軍威凌紫塞
士氣振黃沙
擐甲繁霜凜
揚旌落日斜
膚公看立奏
凱唱返京華

臨清閘晚泊

經過東郡地憑眺坐中流市遠緣崖列城高夾水
浮危檣猶帶日激浪欲平舟勿作臨淵羨塵心淡
若秋

對鏡

朝來對鏡暗興嗟宦跡飄蓬天一涯竊喜鬚眉仍
不改霜天猶自傲黃花

聞雁

嘹唳飛鴻度遠林秋風日動向南征倩他代寫平

安字爲我排空寄好音

送王屋魏鍊師還山

問君何事下仙臺爲施人間符水來丹竈長教黃
鶴守洞門獨對白雲開虛無不解求真訣妙有安
能悟劫灰背却蒲團歸去好慢將踪跡混塵埃

擬蘭若生朝陽

蘭生乘春陽歷冬護其條内含幽芳性豈爲霜雪
凋伊人殊曠遠置身儼雲霄引領隔天路凝思迅
商飈嘆彼嬌冶姿常自整翠翹

鷓鴣

何物語鈞鞞偏來引客愁
長途千里暮落日萬山
秋路轉蒼崖曲車停碧樹頭
聲聲行不得只合老
菟裘

翡翠

小鳥偏多智窺魚靜不喧
輕風紅蓼岸細雨綠楊
村嬾逐銜泥燕欣隨戲水
鴛鴦低飛安飲啄自信羽
毛溫

古鏡

古鏡煥秦銅寒光透碧空
開時輝佛座照處晃魔
宮靜掩塵能却高懸病可
攻千年傳寶物從不費
磨礪

和高漢思移居柘塘元韻四首

爲愛山林好因將城市疎
懷人留麗句遯迹寄新
廬波靜欣垂釣雲深樂荷
鋤悠然何所繫日對古
人書

分手西郊外伊人去興賒
澄清原有志高臥且爲
家偉望凌蒼漢鴻文麗彩霞
聖朝求士急蓬戶

待黃麻

居止安吾素畊耘豈爲貧律躬期國士樂志隱天
民矯矯雲中鶴飄飄物外身學優須大用拭目俟
同人

德星臨曲徑光耀徹湖濱俯仰隨時樂逍遙到處
春林花偏解語野鳥自依人暇日來相訪開樽共
漉巾

擬古詩十九首

行行重行行

驅車上河梁河水清且深揮手勿復念鱗鱗餘車
音人生重離合世事有升沈遊魚日在沼飛鳥暮
還林丈夫志四方胡爲邈難尋迴飈無遺徽歸羽
隔遙岑遠役何時旋淒然傷我心靡靡思行邁悠
悠感子衿殷憂不能忘臨風鼓瑤琴

青青河畔草

春花何絢爛霜草自歆側念彼樓上女織手不停
織嫁作征人婦紅粧徒生色遠行未來歸無復雙
飛翼嘉會知難期含愁冥聲息

青青陵上栢

遙望高陵栢仰羨凌空翰世路多嶮巖人情似波
瀾顧茲食貧慮輒動懷祿權命僕整我駕行行上
長安班聯稱濟濟師武號桓桓欲通蕭氏牘冀彈
貢公冠結駟連阡陌綰帶申椒蘭古市羅奇貨俠
士敲華軒哀曲爲誰語撫膺獨興歎

今日良宴會

天涯久離別懽娛一時暫歲遷迅如駛星馳疾於
彈良語慰平生高歌徹霄漢同心匪易覲行觴安

可算觥籌互相錯綺席紅燭爛聚散一何常情深
不知晏願言及時樂勿復計昏旦樽前共綢繆奚
爲起浩歎

西北有高樓

飛閣出塵寰高居一何安捷足據要津異材凌雲
端幽人棲北窓蕭然寂以閑戶外杳車轍澤畔馥
芳蘭素心無所託長鋏一再彈歲月忽云暮浩歌
動悲歎勿慮和者寡每傷知音難俛仰徒鬱鬱情
馳扶搖翰

涉江采芙蓉

一水渺無際我懷不能忘
名花遠在望冉冉如紅
粧相將理舟楫就之澁
清香高吟泛秋月白露沾
衣裳

明月皎夜光

颯颯商飈起銀漢玉蟾明
微雲自舒卷清暉無歇
傾遊子不能寐閒吟步空
庭階下寒蛩泣樹杪宿
鳥鳴伊人渺天際振翮出
塵冥引領多所
徒縈情有懷何日慰飛觴
坐兩楹



